

Reykjavík, 29. apríl 2022

Forsætisættisráðuneyti
Stjórnarráðshúsinu við Lækjartorg
101 Reykjavík
for@for.is

Enni: Umsögn um hagsmunagæslu Íslands gagnvart ESB - Forgangsmál 2022-2023

Hinn 7. apríl síðastliðinn birti forsætisráðuneytið skjal á samráðsgátt stjórnvalda, Ísland.is, sem ber heitið *Hagsmunagæsla Íslands gagnvart ESB vegna aðildar Íslands að samningnum um Evrópska efnahagssvæðið*. Af formála skjalsins verður ráðið að skjalið innihaldi lista sem tekur til mála í lagasetningarferli hjá ESB sem metin hafa verið sem forgangsmál út frá hagsmunum Íslands vegna aðildar að EES-samningnum. Tekið er fram að um heildaryfirlit sé að ræða og málin á listanum falli undir gildissvið samningsins.

Á vettvangi SVÞ – Samtaka verslunar og þjónustu hefur verið vakin athygli á að í listanum sé ekki að finna áform um að undirbúningur löggjafar sem snýr að „sjálfbæru eldsneyti“ fái háa forgangsörðun. Hefur þetta þótt sérstakt í ljósi umræðu um hlutverk Íslands m.a. þegar kemur að orkuskiptum í samgöngum. Hefur í því samhengi m.a. verið bent á að innan ESB eigi sér stað undirbúningur að umfangsmiklum breytingum á löggjöf sem snertir eldsneyti af endurnýjanlegum uppruna.¹

Samtökunum er ekki fyllilega ljóst hvort undirbúningur ESB, vegna breytinga á löggjöf um eldsneyti af endurnýjanlegum uppruna, falli að öllu leyti og með beinum hætti undir gildissvið EES-samningsins. Í ljósi stefnu stjórnvalda og áherslna í atvinnulífinu þykir hins vegar eðlilegt að stjórnvöld fjalli um slík mál í samhengi við þá afmörkun forgangsmála sem birtist í listanum. Gera má ráð fyrir að þörf geti skapast á að íslenskra hagsmuna verði gætt sérstaklega í undirbúningi á vettvangi ESB. Væri æskilegt að hinir íslensku hagsmunir lægju fyrir með vel skilgreindum hætti. Er þá ekki síst haft í huga að vinnsla endurnýjanlegrar orku á sér nokkuð langa og mjög farsæla sögu á Íslandi. Hlýtur að þurfa að gæta þess í undirbúningum að hún standi jafnfætis annarri vinnslu endurnýjanlegrar orku innan ESB.

Virðingarfyllst,

f.h. SVÞ – Samtaka verslunar og þjónustu



Benedikt S. Benediktsson
lögfræðingur

¹ Sjá á vefslóðinni <https://eur-lex.europa.eu/legal-content/EN/TXT/?uri=CELEX:52021PC0557>
SVÞ – Samtök verslunar og þjónustu · Borgartúni 35, Reykjavík · svth@svth.is · www.svth.is